

一日以是故前後來生世間五百世世遭厄
如是佛語阿難是老母壽終當生阿彌陀佛
國中供養諸佛却後六十八億劫當得作佛
字扶波捷其國名化作所有被服飲食如忉
利天上其國中人民皆壽一劫佛說經已老
母及阿難等菩薩比丘僧諸天龍鬼神阿須
倫皆大歡喜前以頭面著地爲佛作禮而去

佛說老母經

佛說老母女六英經

劉宋天竺三藏法師求那跋陀羅譯

佛爲世尊功德巍巍愍念衆生爲之傷悲時
與弟子大上相追止處樂音廣有所開有一
母人貧老偃^{漂六}傭長跪問佛五陰^{廿二}六衰合會我
身悉爲是誰來何所從去何所歸母言世尊
爲我思惟佛言善哉宜識其已諸法因緣識
之者希譬如鑽火兩木相揩火不從鑽亦不
從燧火出其間赫赫甚輝還燒其木木盡消
微亦如搗鼓其音哀摧聲不從革亦不從推

諸法如是因緣相推譬如天雨風雲電雷合
會作雨不獨龍威諸法如是亦如是非譬如
畫師調和彩色因素如畫無形不即皆須緣
合非獨一力毋人聞經歡欣傾側即得法忍
身不疲極阿難披陳此何毋人聞佛說法生
死所從心意開解即得道真佛語阿難聽我
所言前過去佛名曰拘留秦佛爾時此母是
我之親我行學道戀閉我身憂思一日之間
緣是恩愛五百世貧今我得佛萬福皆臻衆
生無量清淨佛道過六十一劫當得作佛號

薩婆國名號多化劫名禮禪時人衣服如忉
利天各壽一劫無有勤苦爾時母人天龍夜
叉聞佛說法皆大歡欣禮佛而去

佛說老母女六英經

音釋

篋苦協切 箱篋也勉彌典切 勗也輞文紡切 輞文也荷擔荷合切 荷擔也丁可
甘輞方六切 輞疾也驚疾儼切 驚也瘡餘兩切 瘡也繇蘇朗切 繇也桴鼓也
風無切擊羸力追切 羸也鑽則官切 鑽也偃武偃切 偃也
背脊俯曲也燧音遂鑽也